



Philosophie, Ethik für Sek II

## Filosofix

7. Mary

3:02 Minuten

- 00:04** Quest guaffen tremblond sa chatta sut la cuppa da tia chavazza. In puding rubaglià che consista da milliardas da cellas da la gnerva che transmettan e recepeschan senza pausa.
- 00:18** En là duai esser nossa schientscha, nossa personalitad? Ma nua precis?  
Nua èn nossas percezziuns e noss sentiments? E nua noss'olma?
- 00:31** Pudessi forsa esser che noss spiert n'è nagut auter che noss tscharvè? È la finala tut mo materia? Pia er nus sezs nagut auter che materia?
- 00:43** Tgi che crai quai, n'enconuscha betg Mary. Ella è *la* experta sch'i va per la percezziun da colurs. Ella sa tut davart la lunghezza da las undas, davart la retina da l'egl e co il tscharvè elavurescha las stimulaziuns. Ella enconuscha tut ils fatgs scientifics e precis tge che capita, sche nus vesain colurs.
- 01:11** In problem datti dentant. Mary n'ha anc mai vis in object en color: ni ina tomata cotschna ni il tschiel blau. Ella viva numnadain dapi ch'ella è naschida en ina chombra, nua ch'i na dat naginas colurs. Ses vestgids èn alvs e nairs, ses chavels nairs. Ella enconuscha mo nair, alv e grisch. Tut quai ch'ella sa dal mund e da la percezziun da colurs, ha ella legì en cudeschs.
- 01:42** Ma in bel di s'avra – sco striunà – la porta. Mary na po strusch crair a ses egls. Tuttenina vesa ella quai ch'ella ha perscrutà sur onns: colurs! Fin ussa saveva ella bain precis, tge che capitass en ses tscharvè, sch'ella vesess insacura colurs. Ussa però vesa e senta ella co ch'igl è propi!
- 02:11** Per Mary èsi cler: ella ha emprendì insatge nov davart las colurs. Ses savair da la percezziun da colurs era incumplet. Per ella èsi uss cler, ch'i dat fatgs ch'er ina teoria fisica perfetga na po betg descriver.
- 02:32** È nossa moda da vesair il mund pia insatge auter ch'ils process biochemics en il tscharvè? È noss spiert dapli che noss tscharvè?